



Broj: 17-11-12897-2-8/22.
Zenica, 12.10.2022.godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama («Službeni glasnik BiH», broj: 39/14), na preporuku Komisije za provedbu postupka javne nabavke za „Nabavka prehrambenih i neprehrambenih artikala” za potrebe Kantonalne direkcije robnih rezervi Zeničko-dobojskog kantona putem otvorenog postupka javne nabavke i Zapisnika o pregledu i ocjeni ponuda, broj: 17-11-12897-2-7/22. od 06.10.2022. godine, direktor Kantonalne direkcije robnih rezervi Zeničko-dobojskog kantona, donosi:

O D L U K U
o izboru najpovoljnijeg ponuđača

1. Prihvata se preporuka Komisije za javnu nabavku iz Zapisnika broj: 17-11-12897-2-7/22. od 06.10.2022. godine i ugovor za „Nabavku prehrambenih i neprehrambenih artikala” za potrebe Kantonalne direkcije robnih rezervi Zeničko-dobojskog kantona dodjeljuje se „DEFTER“ d.o.o., ulica Gatačka br.20, 71000 Sarajevo, prema dostavljenoj ponudi broj: 643/2022, za ponudenu ukupnu cijenu nabavke od 98.332,00 KM bez PDV-a.
2. Ponuđač kojem se dodjeljuje ugovor dužan je dostaviti dokumente iz člana 45. navedene u tački 3.1. u roku od 5 (pet) dana od dana prijema Odluke o izboru najpovoljnijeg ponuđača.
3. Nakon pravosnažnosti ove Odluke, izabranom ponuđaču iz tačke 1. ove Odluke dostavit će se prijedlog ugovora o nabavci.
4. Ova odluka objavit će se na službenoj stranici Zeničko-dobojskog kantona <http://www.zdk.ba/>, istovremeno s upućivanjem ponuđačima koji su sudjelovali u postupku javne nabave, u skladu sa članom 70. stav (6) Zakona o javnim nabavkama.
5. Za realizaciju ove Odluke zadužuje se Kantonalna direkcija robnih rezervi Zeničko-dobojskog kantona.

O b r a z l o ž e n j e

Kantonalna direkcija robnih rezervi Zeničko-dobojskog kantona je na osnovu Odluke o pokretanju postupka javne nabavke broj: 17-11-12897-2/22. od 05.09.2022. godine, pokrenula postupak javne nabavke: „Nabavka prehrambenih i neprehrambenih artikala”.

Javna nabavka je provedena po otvorenom postupku za dostavljanje ponuda sa predviđenom e-aukcijom. Procijenjena vrijednost javne nabavke bez PDV-a je 98.333,00 KM.

Za predmetnu nabavku objavljeno je obavještenje o nabavci na portalu javnih nabavki pod brojem: 948-1-1-8-3-6/22 dana 15.09.2022. godine. Komisija za provođenje postupka javne nabavke, koja je imenovana Rješenjem broj: 17-11-12897-2-1/22. od 05.09.2022. godine, blagovremeno je izvršila javno otvaranje ponuda, sačinila i dostavila Zapisnik o otvaranju ponuda broj: 17-11-12897-2-6/22. od 06.10.2022. godine, te konstatovala da su u predviđenom roku i u uredno zatvorenim kovertama pristigle 4 (četiri) ponude od slijedećih ponuđača: „Defter“ doo Sarajevo, „Bosna-kom“ doo Gračanica, „Inter-com“ doo Zenica i TD „Nova trgovina-S“ doo Kakanj.

Zapisnikom o pregledu i ocjeni ponuda: 17-11-12897-2-7/22. od 06.10.2022. godine Komisija je utvrdila:

- da je ukupan broj pristiglih ponuda 4 (četiri),
- da su blagovremeno zaprimljene 4 (četiri) ponude,
- da nema neblagovremeno zaprimljenih ponuda.

Komisija za provođenje postupka javne nabavke izvršila je detaljnu analizu blagovremeno pristiglih ponuda, te utvrdila sljedeće:

- Ponuda ponuđača TD „Nova trgovina-S“ doo Kakanj se odbacuje jer u Aneksu III – Obrazac za cijenu ponude, nisu upisani nazivi artikala, što nije u skladu sa tenderskom dokumentacijom u kojoj je navedeno: „Ponudač za svaku stavku u Tabeli obavezno navodi naziv ponudjenog artikla. Ponudeni artikal podrazumijeva tačan naziv artikla naveden u deklaraciji, odnosno naziv pod kojim se artikal prodaje“;
- Ponuda ponuđača TD „Nova trgovina-S“ doo Kakanj ne ispunjava zahtjeve tenderske dokumentacije jer Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama BiH – Aneks IV, nije ovjerena od strane nadležnog organa, što nije u skladu sa tačkom 3.1. tenderske dokumentacije;
- Ponuda ponuđača TD „Nova trgovina-S“ doo Kakanj se odbacuje u skladu sa članom 68. stav (4) tačka i) Zakona o javnim nabavkama jer ponuda nije potpuna i ne ispunjava zahtjeve iz tenderske dokumentacije;
- Ponude ponuđača „Defter“ d.o.o. Sarajevo, „Bosna-kom“ doo Gračanica i „Inter-com“ d.o.o. Zenica ispunjavaju uslove za učešće u kvalifikacijama i tehničke karakteristike, te druge uslove propisane od strane ugovornog organa.

E-aukcija je završena dana 12.10.2022. godine u 11,20 sati, što je i potvrđeno u Izvještaju o toku i završetku e-aukcije.

Početna rang lista je bila kako slijedi:

R/b	Naziv ponuđača	IDB/JIB	Početna cijena u KM bez PDV-a	Početni rang
1.	„DEFTER“ DOO SARAJEVO	4200303990007	98.332,00	1.
2.	„INTER-COM“ DOO ZENICA	4218087760006	111.150,00	2.
3.	„BOSNA-KOM“ DOO GRAČANICA	4209252300008	118.040,00	3.

Konačna rang lista ponuđača koji su pozvani da sudjeluju u e-aukciji je sljedeća:

R/b	Naziv ponuđača	IDB/JIB	Konačna cijena u KM bez PDV-a	Konačni rang
1.	„DEFTER“ DOO SARAJEVO	4200303990007	98.332,00	1.
2.	„INTER-COM“ DOO ZENICA	4218087760006	111.150,00	2.
3.	„BOSNA-KOM“ DOO GRAČANICA	4209252300008	118.040,00	3.

U skladu sa navedenim, Komisija je dala preporuku ugovornom organu za donošenje odluke o izboru ponuđača „DEFTER“ d.o.o. Sarajevo kao najpovoljnijeg ponuđača za predmetnu nabavku.

Kako u postupku ocjene provedenog postupka nabavke nisu utvrđeni razlozi, nepravilnosti ili propusti u radu Komisije, a koji bi eventualno bili osnov za neprihvatanje preporuke Komisije, to je cijeneći sve naprijed navedeno odlučeno kao u dispozitivu ove Odluke.

Pouka o pravnom lijeku

Protiv ove Odluke može se izjaviti žalba u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi, putem ovog ugovornog organa, u pisanoj formi na način propisan članom 99. Zakona o javnim nabavkama.

Dostavljeno:

- 1x „DEFTER“ d.o.o. Sarajevo
- 1x „BOSNA-KOM“ doo Gračanica
- 1x „INTER-COM“ doo Zenica
- 1x Komisija za javne nabavke
- 1x a/a

Prilog:

- Zapisnik o pregledu i ocjeni ponuda broj: 17-11-12897-2-7/22. od 06.10.2022. godine
- Izvještaj o toku i završetku e-aukcije

 **DIREKTOR**
mr. Zoran Martinović, dipl.ing.